

Bosna i Hercegovina
Federacija Bosne i Hercegovine
BOSANSKO-PODRINJSKI KANTON GORAŽDE
MINISTARSTVO ZA UNUTRAŠNJE POSLOVE
Komisija za izbor policijskih službenika iz drugih policijskih organa
UPRAVA POLICIJE
G O R A Ž D E

Broj: 07/I-30-7131-2/22
Dana: 12.10.2022. godine

Na osnovu člana 55. i 56. Zakona o policijskim službenicima ("Službene novine BPK-a Goražde", broj: 13/19, 7/20, 2/21 i 11/21), člana 11. Pravilnika o postupku izbora i zapošljavanja policijskih službenika iz drugih policijskih organa („Službene novine Bosansko-podrinjskog kantona Goražde“, broj: 7/22), a u skladu sa Odlukom Vlade Bosansko-podrinjskog kantona Goražde broj: 03-30-1736/22 od 23.09.2022. godine, Odlukom o pokretanju postupka za zapošljavanje policijskih službenika iz drugih policijskih organa, broj: 07/I-30-7131/22 od 29.09.2022. godine i Rješenjem o imenovanju Komisije za izbor policijskih službenika iz drugih policijskih organa broj: 07/I-30-7179/22 od 30.09.2022. godine, Komisija za izbor policijskih službenika iz drugih policijskih organa, **o b j a v l j u j e:**

JAVNI KONKURS
za zapošljavanje policijskog službenika iz drugih policijskih organa u Upravu policije
Ministarstva za unutrašnje poslove Bosansko-podrinjskog kantona Goražde

Radno mjesto: Policajac, Jedinica za podršku-Sektor uniformisane policije-Uprava policije
Ministarstva za unutrašnje poslove BPK Goražde

Broj izvršilaca: 1 (jedan) u činu "policajac"

Opis poslova:

Učestvuje u aktivnostima na osiguranju javnih skupova, sportskih i drugih manifestacija, u lišavanju slobode opasnih kriminalnih lica, rješavanju talačkih situacija, uspostavljanju narušenog javnog reda i mira u većem obimu ili sa težim posljedicama i razrješavanju drugih sigurnosno-interesantnih događaja i pojava; vrši dresuru službenih pasa i stara se o njihovom zdravstvenom stanju, ishrani i čistoći, upotrebljava ih samo po naređenju neposrednog starješine; održava fizičku kondiciju i čistoću službenih pasa; stara se o ispravnosti opreme i tehničkih sredstava na zaduženju; vrši poslove i zadatke na vodenim površinama i pod vodom i priobalnim dijelovima na sprječavanju i otkrivanju krivičnih djela i spašavanju života i materijalnih dobara izazavnim vještačkim i prirodnim nepogodama, obavlja i druge zadatke koje mu odredi neposredni starješina u skladu sa Zakonom.

Da bi se policijski službenik iz drugog policijskog organa mogao zaposliti u Upravu policije, mora ispunjavati uslove predviđene članom 5. Pravilnika o postupku izbora i zapošljavanja policijskih službenika iz drugih policijskih organa („Službene novine Bosansko-podrinjskog kantona Goražde“, broj: 7/22):

- da ima status policijskog službenika i dodijeljen čin koji je jednak činu za koji se prijavljuje;
- da se protiv njega ne vodi disciplinski postupak za težu povredu službene dužnosti;
- da mu od strane nadležnog organa nije utvrđena promjena radne sposobnosti za obavljanje poslova policijskog službenika (invalidi druge kategorije);

- da policijski službenik nije suspendovan sa poslova i zadataka policijskog organa u kom je zaposlen;
- da protiv njega nije pokrenut krivični postupak i da nije izrečena pravosnažna kazna zatvora za krivično djelo, osim za krivična djela protiv sigurnosti saobraćaja, sukladno krivičnom zakonodavstvu;
- da nema sigurnosnih smetnji shodno utvrđenom stepenu tajnosti za radno mjesto sukladno važećim propisima koji regulišu oblast zaštite tajnih podataka;
- da ima propisane psihofizičke sposobnosti potrebne za obavljanje poslova policijskog službenika, sukladno pravilniku iz člana 44. stav (6) Zakona o policijskim službenicima ("Službene novine Bosansko-podrinjskog kantona Goražde", broj: 13/19, 7/20, 2/21 i 11/21);
- da u skladu sa Pravilnikom o unutrašnjoj organizaciji i sistematizaciji radnih mjesta u Ministarstvu za unutrašnje poslove Bosansko-podrinjskog kantona Goražde, broj: 07-01-34-4460-2/19, broj: 07-01-30-5370/21-1 i broj: 07-01-30-2204-1/22, ima položen vozački ispit „B“ kategorije.

Dokumenti koje dostavljaju kandidati uz prijavu na Javni konkurs:

1. dokaz da ima status policijskog službenika i dodijeljen čin "policajac" (Ugovor o radu i rješenje o dodijeljenom činu);
2. dokaz da se protiv njega ne vodi disciplinski postupak za težu povredu službene dužnosti (uvjerenje, potvrda i sl.);
3. dokaz da mu od strane nadležnog organa nije utvrđena promjena radne sposobnosti za obavljanje poslova policijskog službenika (invalidi druge kategorije), (uvjerenje, potvrda i sl.);
4. dokaz da policijski službenik nije suspendovan sa poslova i zadataka policijskog organa u kom je zaposlen (uvjerenje, potvrda i sl.);
5. dokaz da ima položen vozački ispit „B“ kategorije (kopija vozačke dozvole).

Dokaze koji se odnose na ispunjavanje uslova iz alineja 5., 6. i 7. ovog Javnog konkursa, a koji se odnosi na nevođenje krivičnog postupka i neizricanje pravosnažne kazne zatvora, kao i uslov da nema sigurnosnih smetnji shodno utvrđenom stepenu tajnosti za radno mjesto sukladno važećim propisima koji regulišu oblast zaštite tajnih podataka, Komisija pribavlja po službenoj dužnosti.

Kandidat koji ostvari najveći broj bodova sa liste kandidata koji su uspješno završili testiranje, biti će upućen u Zavod za zdravstvenu zaštitu zaposlenika Ministarstva unutrašnjih poslova Kantona Sarajevo, na provjeru psihofizičke sposobnosti potrebne za obavljanje poslova policijskog službenika sukladno pravilniku iz člana 44. stav (6) Zakona o policijskim službenicima ("Službene novine Bosansko-podrinjskog kantona Goražde", broj: 13/19, 7/20, 2/21 i 11/21).

Kandidat koji zadovolji na ljekarskom pregledu podliježe sigurnosnim provjerama u skladu sa odredbama Zakona o zaštiti tajnih podataka («Službeni glasnik BiH», broj: 54/04 i 12/09) kao i odredbama podzakonskih propisa donesenih na osnovu navedenog Zakona, a shodno utvrđenom stepenu tajnosti za radno mjesto, te provjerama koje se odnose na nevođenje krivičnog postupka i neizricanje pravosnažne kazne zatvora za krivično djelo. Ukoliko neki od kandidata ne ispuni ove uslove, bit će odabran sljedeći kandidat sa liste.

Kandidati koji blagovremeno dostave potpune prijave i dokažu da ispunjavaju uslove (osim uslova iz alineje 5., 6. i 7. ovog Javnog konkursa), imaju pravo pristupa testiranju, koje u skladu sa članom 13. Pravilnika o postupku izbora i zapošljavanja policijskih službenika iz drugih policijskih organa uključuje sljedeće:

- a) intervju;
- b) za kandidate koji ostvare jednak broj bodova na intervjuu, policijski organ može provesti pisani test u vezi rješavanja praktične situacije.

Testiranje kandidata obaviti će se u skladu sa odredbama Pravilnika o postupku izbora i zapošljavanja policijskih službenika iz drugih policijskih organa („Službene novine Bosansko-podrinjskog kantona Goražde“, broj: 7/22), koji je dostupan na internet stranici Vlade Bosansko-podrinjskog kantona Goražde www.bpkg.gov.ba.

Potrebni dokumenti - dokazi o ispunjavanju uslova Javnog konkursa predaju se u originalu ili ovjerenoj fotokopiji i ne podliježu vraćanju.

Ispunjavanje uslova utvrđenih ovim konkursom računa se sa danom predaje prijave kandidata.

Sve vrste obavijesti koje su od značaja za konkursnu proceduru (datum, vrijeme, mjesto testiranja i slično), vršiti će se putem oglasne ploče Uprave policije i službene stranice Ministarstva za unutrašnje poslove Bosansko-podrinjskog kantona Goražde, s tim da se svaki od navedenih načina obavještanja smatra urednim.


Kandidat koji ne postupi po navodima Javnog konkursa ili po obavijestima, smatrat će se da je odustao od dalje konkursne procedure i isti će biti isključen iz konkursne procedure bez mogućnosti ponavljanja propuštene radnje.

Javni konkurs ostaje otvoren **15** (petnaest) dana od dana zadnjeg objavljivanja.

Kandidati su obavezani da uz prijavu na Javni konkurs, potpišu i dostave saglasnost za korištenje ličnih podataka, čiji se obrazac može preuzeti na internet stranici Vlade BPK-a www.bpkg.gov.ba ili na Pisarnici MUP-a BPK-a.

Prijave kandidata sa potrebnim dokumentima predaju se u zatvorenoj koverti, najkasnije do isteka posljednjeg dana roka za predaju prijave, neposrednom predajom na pisarnici Ministarstva za unutrašnje poslove Bosansko-podrinjskog kantona Goražde, ul. Zaima Imamovića br. 5, 73000 Goražde, svakim radnim danom u vremenu od 08,00 do 16,00 sati ili preporučenom poštom, sa naznakom "za Javni konkurs - Komisija za izbor policijskih službenika iz drugih policijskih organa" **NE OTVARAJ**".

Neblagovremene, neuredne i nepotpune prijave neće se razmatrati.



KOMISIJA

(ime davoaca saglasnosti, ime jednog roditelja i prezime)

(kontakt telefon)

**SAGLASNOST
ZA KORIŠTENJE I OBRADU LIČNIH PODATAKA
U POSTUPKU IZBORA KANDIDATA
PO JAVNOM KONKURSU**

Ja _____ dajem pismenu saglasnost Upravi
(ime, ime jednog roditelja, i prezime)

policije u Ministarstvu za unutrašnje poslove Bosansko-podrinjskog kantona Goražde (uključujući sva ostala nadležna tijela za provođenje Javnog konkursa) za korištenje i obradu mojih ličnih podataka, kroz cjelokupan postupak izbora kandidata po Javnom konkursu za zapošljavanje policijskog službenika iz drugih policijskih organa u Upravu policije Ministarstva za unutrašnje poslove Bosansko-podrinjskog kantona Goražde, broj: _____ od _____ 2022. godine, u skladu sa Zakonom o zaštiti ličnih podataka ("Službeni glasnik BiH", broj: 49/06,76/11 i 89/11), što potvrđujem svojeručnim potpisom.

DAVALAC SAGLASNOSTI

/ime i prezime /

/ broj lične karte /

Datum: _____